

宋

會

要

宋會要 正街

宋制兩省臺官文武百官每日赴文德殿立班宰臣一
員押班常朝官有詔旨免常朝及勾當吏番宿者不起
過假併三日以上即橫行參假宰臣參知政事及免常
朝者悉集正街遇親王使相過正街者取別日謝羣官見辭
謝者皆赴正街其日文武班尚書上將軍以下並先叙
立於殿門之外東西相向文班一品二品正街見謝辭官
立於大殿之南右巡使立正街衛南北向臺官大夫中
丞三院御史各就揖班位再揖三院下全揖訖臺官與
左巡使先入各就位左右巡使立種鼓樓下左右巡使奏
即於臺官或自外郎以下差備次兩班及右巡使入次

見謝辭官八次兩省官入

兩省官自殿西偏門入於右

將至午次文班一品二品八次軍臣出東上閣門就

位通事舍人一員立於閣門外北向四色官立其後舍

人通承旨奉敕不坐四色官應諾急趨至放班位宣勅

在位官皆再拜而退其應橫行者班定通事舍人揖羣

官轉班北向舍人揖再拜復位如常朝之儀兩省官在

書門外近制舊使權就凡見謝辭官新設加恩出羣臣

親王使相向侯班定先赴午陪南中書門下正街班再拜

却運押樞密使副使知院同知院簽書院事叅知政事

宣徽使宗室節度使以下至刺史將軍侯班定四方館

門至殿庭由東黃道赴正街位北向以西為首將軍以上

閣觀文殿大學士資政殿大學士觀文殿學士三司使
翰林資政侍講閣學士直學士知制誥待制直學士
丞郎幕次待司集上將軍幕次候班定四方門下中書
館吏引入殿西使門赴班於大夫前出門下中書
侍郎至至言品二品館吏引先集勤政北門候班乞由西
出使門御史大夫至御史常序班如三師三公僕射東宮三
師三少使門赴班於兩省臺官前出尚書丞郎左右金
吾上將軍至將軍常序班如節度使至刺史軍職四廂都
指揮使以上三司副使文武京朝官武班郎將以上分
司官樞密都承旨諸使副醫官帶正員官者西班東武
行叙立餘其權三司使開封府吏部銓秘書監修撰直
館閣校理檢討三司判官主判官開封府判官推官官

僚內職軍校領郎者內客省使至通事舍人節度行軍

司馬至團練副使幕職上佐州縣官諸司勒留官新授

者京朝官改賜章服者致仕責授降授者並謝行軍副使仍解

京朝官貢舉發解畢者亦見準儀制如貢舉官今解解

得若僕射大夫中丞過正衙即常參官皆避尚書丞郎

過正衙即太行郎中員外皆避應過正衙者如准發及

其赴臺參謝辭者尚書侍郎則三院御史各一員

中丞大夫皆對拜三院仍班迎不節度使賓客太常宗

正卿則御史一員中丞大夫皆對拜兩使留後至刺史

秘書監至五官正上將軍至郎將四廂都指揮使及內

職軍校遙郎以上樞密都承旨及內職帶正員官者四

雜錄

赤縣令三京司錄節度使軍至圍練副使幕職官任憲
街者皆御史一員對拜中丞大夫對揖得赤令揖訖進言
過者曾任中書門下及左右丞皆不赴加階勲食邑車
服館閣三司開封府職事及內職轉使領軍額亦不赴
臺謝僕射過街日臺官大夫以下與百官並詣幕次致
賀文官一品二品曹任大夫中丞則即中少卿監大將
軍以下亦然射赴上都市省者不赴
太祖乾德二年八月五日關南總管張仁謙入朝時運
值假正五衙無班未得入對帝怪問其故有司以仁經正
衙為對語自今文武官自外至者並先赴內殿對從赴
正衙或出使急速者仍免衙引
開寶九年十一月五

日詔曰外朝之設舊章不忘近年事出權宜多從沿革凡除拜出入不由正衙有司既失於舉行經制遂成於寢廢自今中外官除拜及假使出入並須於正衙辭謝違者有司議其罰

太宗淳化二年六月二十九日侍御史知雜事張郁上言正衙之設謂之外朝凡羣臣辭見及謝先詣正衙見訖御史臺具官位姓名以報閤門方許入對此國家之舊制也自乾德以後始詔先赴中謝後詣正衙至今有司遵守此制而文武官中謝辭見之後多不即詣正衙欲望自今内外官中謝後次日並赴正衙內諸司遙領刺史及閤門通事舍人已上新授者皆同百官例並赴

正衙辭謝出使急速免衙辭者亦須具狀報臺違者罰
一月俸從之 四年六月七日詔自今五衙宣制及宣
御劄日非在殿庭立班之人敢輒闌入竊聽者以名聞
外門司不禁約亦當嚴斷

真宗景德四年二月七日車駕駐西京詔先免常朝及
西京見勾當事朝臣五日一次起居外並免常朝 閏
五月二十三日御崇政殿視朝放正衙百官及諸軍將
校常叅以暑雨累日故也 天禧元年八月十六日秘
書監知禮儀院楊億請依判南曹國子監例權免常叅
從之 四年四月二十八日兵部尚書判都省馮拯請
依知禮儀院例特免常朝從之

仁宗天聖四年六月二十五日御史臺言準宣以霜雨
泥濘特放朝參五日緣差出京朝官雖已辭無正衙班
進發未得臺司欲取七月四日已前辭朝官與放衙辭
從之 八月六月二十三日修國史院言太常寺直集
賢院李淑每日緣早起供職所有常朝欲乞依例權免
從之 嘉祐三年六月十一日詔正衙連十日值假者
放一日

英宗治平元年三月十三日御史臺言昨為闕官西班
對立乞差諸司使副使承制崇班攝將軍立班自來攝
將軍權管勾金吾街司並依御史臺對班立今據如京
副使王澤左藏庫副使柴貽忠牒並為權勾當左右金

吾街仗司公事乞免常朝臺司詳王澤等不帶攝南班將軍是致乞免常朝乞令各攝一將軍依舊權管勾全吾司公事起赴本臺叙班從之 二年七月二十七日

御史臺言鑠院降麻合告報兩省臺官文武百官赴文德殿聽麻除中書進董自有貼黃聲說退班外如遇非時宣召學鑠院次日如非常朝起居並從御藥院關報閣門連班詔如非時鑠院次日不是常朝起居仰監鑠院使臣與學士同關報閣門 治平四年神宗即位三月十一日御史臺狀檢會皇祐編敕應正衙常朝及橫行並須宰臣立班常朝日中書門下輪宰相一員押班尋常多據引贊官稱宰臣更不過來竊慮上項編勅

儀制別有衝改更不行用伏乞明降指揮既而御史中丞王陶奏彈宰相韓琦曹公亮不赴文德殿押班琦公亮上表待罪詔荅不允二十三日琦公亮言近以御史中丞王陶彈奏不過文德殿押班尋上表待罪蒙降手詔不允臣等先曾面奏自來以前殿退晚及中書聚廳見客日有急速公事商量故不及輪往押班已是積有歲年即非自臣等始今檢詳有唐及五代會要每月凡九開延英對宰臣日未御內殿前便令閣門使傳宣不坐令放班朝退則可見宰臣更不赴五衙押班國朝自祖宗以來繼日臨朝宰臣奏事祥符初降勅令宰臣依故事赴文德殿常朝立班當日似未曾子細討論故

後來行之不久漸復隳廢若今後每過前殿退晚須輪
宰臣赴文德殿押班緣中書朝退後見客及商議公事
動踰時刻必於常朝事務大有妨滯欲乞下太常禮院
檢閱典故詳定議立常制貴得永遠遵行從之 五月
七日手詔今後宰臣赴文德殿押班自春分後或遇辰
牌秋分後辰正牌上垂拱殿視事未退止令傳報宰臣
更不過來令御史臺一面放班餘日並依詳符勅令指
揮永為定制其前降下太常禮院詳定更不施行 二
十六日權御史中丞司馬光言準七日手詔如前竊見
前衆垂拱殿視事比至中書樞密院及其餘臣僚奏事
畢春分以後少有不過辰初秋分以後少有不過辰正

自陛下臨御以來惟近因服藥曾於辰牌以前駕起入
內自餘皆在辰牌以後然則自今以往無事之日宰臣
永不起文德殿押班臣竊惟文德殿為天子正衙宰臣
為百僚師率百僚既在彼常朝則宰臣理當押班斯乃
前世舊規自祖宗以來未之或改今陛下即政之始事
非大有利害者恐未須更張伏望特降聖旨令宰臣一
依國朝舊制押班若陛下以前者已降手詔必欲限以
時刻者即乞春分遇辰正牌上秋分遇巳牌上並依今
月七日指揮施行猶庶幾此禮不至遂廢詔今後春分
秋分後並遇辰正牌上垂拱殿視事未退宰臣更不過
文德殿押班餘依前降指揮 熙寧元年九月開封府

言自來每橫行推判官並赴文德殿至巳時以來方退
在府公事闕官欲乞今後遇橫行橫留推判官一員在
府從之 四年七月十七日詔自來幕職州縣官擬注
差遣銓司具逐甲人數引見對敍守候班次住滯選人
今後與免正衙 十月二十九日詔應合正衙臣僚無
常朝即與放免 五年三月二十八日詔聖節及北使
到闕假故移多應文武臣僚三班使臣幕職州縣官等
見謝辭并正衙宜令閤門御史臺自四月三日後並權
放至十七日即却依舊令後准此 元豐四年十一月
二十七日侍御史知雜事滿中行言文德正衙之制尚
存常朝之虛名襲橫行之謬例有司失於申請未能釐

正兩省臺官文武百官赴文德殿東西相向對立宰臣一員押班開傳不坐則再拜而退謂之常朝遇休假併三日以上應內殿起居官畢集謂之橫行自宰臣親王以下應見辭者日先赴文德殿謂之過正衙然在京釐務之官例以別勅免參軍臣押班近年已罷而武班諸衛本朝又不常置故今之赴常朝者獨御史臺官與審官待次階官而已今垂拱內殿宰臣以下既已日參而文德殿常朝仍復不廢舛謬倒置莫此為甚至於橫行參假與夫見謝辭官先過正衙雖沿唐之故事然必俟天子御殿之日行之可也有司失於申請未能釐正欲望特降指揮先次罷去下詳定官制所本所言今天子

日聽政於垂拱以接執政官及內朝之臣而更於別殿
宣敕不坐膏為因習之誤兼有職事陞朝官五日一起
起居而未有職事者反日參疏數之即尤為未當又辭
見謝已入見天子則前殿正衙對拜自為虛文其連遇
朝假則百官自起大起居不當復有橫行參假中行乞
罷常朝及正衙橫行為是從之文昌呂維錄正衙常朝告
務官每日至集其後以妨廢事乃罷之獨侍次官赴耳
初無疏數之別方唐武德時正衙立仗仗百官廊食日以為
常五日起居雖始於明宗孟亦喚仗入閣之遺意謂春
明廷朝錄本朝文德殿日以外朝凡不塵務官日起居是
常朝無拱殿日又武朝官五起以內朝謂之百官大起居是
起居每五日又武朝官五起以內朝謂之百官大起居是
謂三等蓋天十坐朝莫先於正衙於臣禮無一日不
朝者故正衙雖不坐常參官猶立班俟放朝乃退

宋會要門戟

神宗元豐五年九月二十三日修定景靈宮儀注所言儀注令諸廟社門
宮門各二十四戟唐太清宮九門亦設畫戟竊惟景靈宮天興門及宮外
門本以欽奉天神不應立戟神御諸殿既緣生禮以事祖宗宜依儀制今
宮門之制每門立戟二十四從之徽宗政和八年五月九日知太原府
姚祐奏政和格臣僚私門經恩賜者許立戟二品以上十四一品十六乞
應臣僚勲名顯著與祠廟功施於民者累功加封至二品以上並許立戟
於門從之八月二日詔已降處分應天下神霄玉清萬壽宮視至聖文宣
王立戟

全唐文

宋會要

朱衣吏引

凡宰相參知政事翰林學士御史中丞並朱衣吏雙引
仍傳呼親王如宰相例而不傳呼宰相親王參知政事
用中書直省吏餘用
本司文開寶中學士惟謝恩初上雙引馬
使知院同知院簽書院事止本院紫衣吏一人前導使
相僕射兩省五品以上一吏朱衣前引太宗淳化四年
詔東宮三少丞郎入朝聽以朱衣吏前導二品以上用
朝堂驅使官餘用本司驅使官真宗景德三年九月皇
城司言先準詔文武官不得領從人至排班處其長春
殿門未有條制近日中書樞密三司開封府多引從人

出入望降處分詔自今長春門內親王宰臣樞密使許
引從各五人知樞密院參知政事宣徽使以上各三人
三司使開封府廣平郡公德彛各二人餘悉禁之既而
學士晁迥等列狀請如三司使例又詔三司使開封府
亦不得令人引接入殿內大中祥符五年十月詔樞密
使帶檢校官平章事若不告引止於本廳贊唱時王欽
若陳堯叟以檢校兼正官同平章事充樞密使請立常
例有司言魏仁浦以宰相兼樞密使故告引曹彬以樞
密使兼相不告引遂定此例九年十月三司言自來本
司逐日帶吏人將緣邊糧草見在數及紙筆公案隨從
人入殿門閣子前祇候準備取索近日約欄不放入門

緣三司常有進呈公事及祇候急速文字欲望依舊例量帶司屬隨行入殿門詔每遇有公事上殿即將帶二人入長春門天禧元年七月新除宰臣王旦守大尉御史臺按議制僕射以上朝堂差知班驅使官一人引授詔尚書省三人引接二年四月詔自今每有差出臣僚合將帶引接人隨行者並令抽差正名仁宗天聖元年閏九月三司開封府言皇城司告報不許將祇應人入殿門伏緣錢帛刑禁取旨公事不欲漏露望許各將二人入殿門詔許各帶一人寶元二年閏十二月九日閤門言請自今或遇皇帝御宣德門宰臣親王樞密使使相各許帶從者三人參知政事樞密副使知院同知院

下文言紹興
以慶歷當
是慶元之
誤

簽書院事宣徽使各帶二人並至第三重門止內外制
官已上節度使至觀察使宗室正刺史以上各帶一名
至第二重門止餘不許從之先是帝每御樓左右近臣
各挾所親上門闕無定限時將及孟春觀燈之會知開
封府鄭戢上言天子所在當嚴其制及是施行慶歷四
年四月二日詔應隨從臣僚下合入幕次人數軍臣親
王樞密使相各十人兩府及宣徽使各七人御史知雜
觀察使望親正任已上各五人客司四人所有今來差
取並依紹興三十二年九月內已得旨揮施行其餘並
乞蠲免從之

全唐文

宋會要

導從

官中導從唐以前無聞馬五代漢乾祐中始置主輦十六人捧足一人掌扇四人持踏牀一人並服文綾袍銀葉弓脚幞頭尚宮一人寶省一人高髻紫衣書省二人紫衣弓脚幞頭新婦二人高髻青袍大將二人紫衣弓脚幞頭童子執紅絲拂二人高髻髻青衣執犀盤二人帶鬘頭黃衣執翟尾二人帶鬘頭黃衫鷄冠二人紫衣執金灌器唾壺女冠二人紫衣執香鑪香盤分左右以次奉引太平興國初增主輦二十四人改服高脚幞頭輦頭一人衣紫繡袍持金蓮銀仗以督領之捧真珠七

寶翠毛華珠二人衣緋袍捧金寶山二衣綠繡袍捧龍
脰合二人衣緋銷金袍並高脚幞頭執拂翟四人翳頭
衣黃繡袍舊衣綾袍紫衣者悉易以銷金及繡復增司
簿一人內省一人司儀一人司給一人皆分左右前導
凡十七行每冬至御殿祀郊廟步輦出入至垂拱殿即
用之真宗大中祥符三年九月十一日召輔臣於龍圖
閣觀繪宮中迎奉天書出入及行大禮畢入宮之儀王
圖帝因指所乘輿謂王旦等曰此應出唐制前代輿輦
制度未嘗有此每乘之則屈右足垂左手而凭几又指
內官近輿班次曰有散員周衛於四面此朕所加也非
此則班綴不整矣 太宗淳化四年詔東宮三少尚書

丞郎並許令從人通官呵止 真宗咸平二年三月詔
節度觀察防禦團練使刺史如別知州府或掌兵處止
許役使本任公人不得更於本使鎮處抽取 八月詔
諸路節鎮知州都監給供身當直軍士各七十人通判
十五人防團軍使知州都監各五十人通判十人河北
河東陝西有駐泊兵處節鎮知州都監各百人防團軍
事知州都監各七十人 景德元年五月詔諸州節度
觀察防禦團練使刺史以本郡兵隨行給使者以三年
為限 二年詔定在京諸司庫務監官當直人數諸司
使領郡者十二人諸司使副使崇班及朝臣十人閤門
祇候及內供奉官殿頭高品八人寄班祇候七人京官

供奉官侍禁殿直高品及寄班奉職六人祇候內品內
品奉職借職四人諸司庫務都虞候三人指揮使二人
員寮一人二年四月三日詔節度觀察防禦團練使刺
史所領郡在川廣者不得抽取公人以充給使十日詔
文明殿學士資政殿大學士尚書給事從人各七人翰
林學士侍讀侍讀樞密直學士丞郎各六人給諫舍人
各五人諸司品各四人於開封府金吾差借每季代之
如見勾當事公人數多不得重疊抽差中書先差金吾
從人防團刺史閣門使副皇親率府副率以上并諸衛
大將軍將軍至少御監修起居注知太常禮院行事官
樞密都副承旨各三人諸司使副樞密院諸房副承旨

通事舍人閣門祇候中書堂後官及伎術官外朝已上各一人 嘉祐二年五月二十四日詔殿學士侍讀侍講學士許於學院抽人雜學士給諫舍人許於本省抽人自来兩制於例於諸司或學士院等處奏帶接引公人 皇祐元年後只得隨官於本司奏帶學士舍人亦不得帶本司人故有此詔 神宗元豐七年四月十六日御史臺閣門言近例郡王領使相者得吏二人前引緣嗣王恩數尤宜加隆今參詳嗣王使相即用雙引從之詳見班序門 紹興三十二年孝宗已即位未改元九月十一日詔皇子惛愷惇府引接直省令三省行首司差撥 孝宗隆興二年三月二十六日尚書吏部侍郎

充淮西宣諭使王之望奉旨差充上件職事條具事內
賤得汪澈係任御史中丞合差贊引知班二人昨之
望川陝宣諭日依虞允文已申畫一改作引接名目今
乞依舊作引接差破從之乾道元年八月十七日皇
太子愔言奉旨合破人從比親王加倍臣見破官吏人
從粗可從用除已蒙睿慈止令量行添置指使二員直
省官二員人自今亦參用開封府散從官大中祥符
二年六月詔金吾街仗司從人自今不得假借時羣臣
導從呵止行人京師軍民頗煩趨避呵止多踰式故有
是詔四年正月詳定所言昨朝陵封禪時沿路縣鎮
宰隨之處隨駕臣僚出入前驅呵喝節數頗多接續移

時防阻行路欲乞量官序次第差減馬前呵止之人每
至州可以循舊詔親王中書樞密各三節至四節餘清
望官在京合告官及喝止者止一節至二節相去五七
步已下不得籠街呵喝每至州縣即依舊式 二月詔
隨從巡檢及諸臣僚執擎從物近車駕左右者內殿崇
班已上止許帶當直三人崇班已下二人不得更有剩
數 五月命翰林學士李宗鄂龍圖閣直學士陳彭年
與禮官祥定郡臣導從宗鄂等請中書密院密院徽使御史
中丞知雜御史金吾并攝事清道如舊制呵導外僕射
已上三司使知開封府四節文明資政太學士尚書三
節學士丞郎以上三司副使二節大兩省御監待制一

節小兩省御史郎中員外諸司四品三司開封判官推
官二人前引不得過五步應於金吾借從人者以諸軍
判員代之從之 七年五月詔臣僚在京勾當及受外
官者不得占舊任公人在家役使 八年閏六月一日
詔諸處駐泊忠佐遙領團練使刺史者定差當直兵士
十人不領郡七人以公邊駐泊忠佐多差軍人當直役
役故條約之三日詔開封府諸縣都監自今定差當直
兵士五十人知縣十人本府言諸縣多占兵士當直故
行條約 天禧元年二月給左右巡使常從三人臺直
官二人主簿一人從臺司之請也九月詔諸司庫務監
當命官使臣自今不得以當直兵士於危所役使致害

人命違者不以合破當直人數刑名區斷先是監馳坊
內侍張仁恭私遣兵士於汴流放棧有溺死者仁恭贖
銅降一資衝替故下詔條約之 二年九月流內銓言
請自今軍監判官更不兼通判其當直公人更不差兵
士止依元定幕職人數於本軍定差從之 五年七月
給宰相樞密使軍士三十人叅知政事樞密副使二十
人皆以雄武兵充著為常例若指抽外郡兵卒亦聽
仁宗天聖四年五月左右巡使方慎言等言近日臣寮
導從踰式亦有不合前導擅出踏引者願申約束詔御
史臺左右街司覺察有不依條貫出節者收領從人送
開封府本官具名聞奏 皇祐元年七月諫院言今諫

官二員從人至少昨三院御史增添人數欲乞依例詔
每員添差衙司從人神衛刺員各二人 嘉祐六年五
月十七日詔殿前馬步軍都指揮使副都指揮使除合
破帶人數依舊人其不披帶刺員備軍等各特與添一
倍今後不得更於額外私有勾抽役使如違重行朝典
治平四年閏三月六日神宗已即位未改元詔在京
勾當官員待闕間不得預抽新任公人當直七月二十
二日河東轉運使呂公孺言準天聖令敕諸外州官合
給當直兵士者節鎮長吏五十人餘州監長吏各四十
人內河北河東陝西路有駐泊兵士者節鎮長吏七十
人餘州軍監五十人惟是有馬步州軍文武長吏例更

差有馬兵士隨逐充馬直出入其人騎數目不定即無合破勅條欲乞今後應係有馬軍州節鎮并其餘州軍文武長吏許分兩等立定隨行馬直人騎數目如闕即據數差撥不得旋行收買其三路安撫都總管所帶人騎係備緩急應副且乞仍舊存占詔除三路路分安撫使總管依舊外有馬軍處節鎮知州路分鈐轄二十人其餘知州軍路分都監十五人內本州軍總管鈐轄即不得遇知州軍人數 神宗熙寧二年六月十九日提舉司言裁定宗室供身驅使吏人各以官序為差從之 閏十一月二十三日詔應曾歷職司臣僚及大卿監到闕差權判寺監者若舊當直人不及十人處並差十人

五年七月十七日詔白直人前任宰臣使相樞密使
二十人參知政事樞密副使簽書樞密院事十五人在
京在外同並兵之判員中半差致仕官曾任宰臣使相
樞密使二十人參知政事樞密副使簽書樞密院事節
度使十五人宣徽使已上兵士判員中半差諸行尚書
留後觀察使十人樞密直學士以上七人待制以上防
禦團練刺史四人已上全差判員六年七月兵部言街
司兵士差在官員下當直止是時暫呵用祇應即與正
軍白直不同難作當直人數詔不作當直人數餘悉仍
舊 高宗紹興四年正月二十四日詔比行在百官所
破人從已別立法如遇闕人即行勘請錢以充願直若

若於步軍司復借人兵顯屬貪墨可計賊論如步軍司
舉私借令御史臺糾察以聞 十一年五月二十四日
臣僚言近歲大臣罷政及文武官視兩府恩數得宮祠
者陳乞差破隨行使臣等人除依條合破人數外又必
援例差破直省官散祇候一二十人及親兵將校等多
至一二百人如宣借人依條所放已多又或於數外更
乞添差其視兩府恩數臣僚所差名色雖與執政官不
同亦是更相援例節次陳乞有增無減欲乞應奉祠閑
居大臣差破使令除依紹興條格外有條格所無而援
例差破諸色人數並行裁減量留三分之一將合減人
數發還元處如更不願量留却聽盡遣其有依條合格

而願發遣者亦聽此令一行非特使使大臣無冗占之嫌凡在官者皆知守法畏謹不敢冗占而廩給無妄費矣詔令有司遵守格法施行十四年正月十四日大傳橫海軍武寧安化軍節度使充醴泉觀成安郡王韓世忠言臣先蒙異恩請給人從並依見任宰執今乞將臣見今請給截日住支并朝廷元撥到官兵五百人親隨背嵬使臣三十人除事故外見有四百餘人今乞將親隨背嵬使臣三十人兼官兵七十人通作一百人還赴朝廷使用外有五百餘人乞留照管家屬詔背嵬使臣三十人交割付殿前司餘不允初朝廷以世忠有功特加異禮世忠心不安故有是請三十年十月六日

詔今後勲臣之家令存留在家照管使臣將校軍兵各依所行指揮人數以五分之一差破使臣不許差橫行正任人所差使臣不得過兩任其文臣亦差破五分之一
一 紹興三十二年孝宗以即位未改元八月十五日尚書左僕射陳康伯等奏左右僕射知樞密院府依自來體例各破三百五十人叅知政事同知樞密院府各破二百五十人並係樞密院提轄親兵差撥前來其間有係三衙軍兵人數今欲各減三分之一令逐司收管從之十月四日少傅保康軍節度使大寧郡王吳益言益先除少保日已降指揮恩數並依樞密使例今乞依例差破給使使臣所有先借人已經裁減外合減七人

顧募再合減一十一人乞免行裁減又寧武軍節度使
開府儀同三司吳蓋言蓋先授太尉日已降指揮恩數
蓋乞依吳蓋例今欲乞依例差賦給使使臣其宣借人
已經裁減外合減八人并顧募再合減一十人亦乞免
行裁減庶幾仰副朝廷優異戚里之意詔並依所乞同
日詔已降旨揮內外兩府使相見破宣借兵士權行減
半係為未經裁減其已經人自合依舊隆興元年六
月十二日太傅新差充御營使和義郡王楊存中奏昨
令臣往建康府措置營寨點檢沿江一帶守備事務有
合行事件內主管機宜文字破白直十五人幹辦公事
各破十三人准備差遣各破十人詔從之二年五月

八日兵部言步軍司契勘除還衛官無差破人從條法
外武臣正任刺史以上至節度使兼領逐項衛官其人
從止合依各帶正任官序上差撥今條具比擬見赴
朝叅正任官等差破人從下項左右金吾衛上將軍左
右衛上將軍若節度使兼領上將皆衛官其人從止合
依節度使差破四十六人左右驍衛武衛屯衛領軍衛
監門衛千牛衛上將軍若承宣使并觀察使兼領上件
衛官其人從止合依承宣使觀察使差破三十三人左
右金吾以下諸位大將軍若防禦團練使刺史人差破
二十人本司契勘武臣遥郡橫行已下若兼領諸衛大
將軍令比擬差破當直一十五人若兼領諸衛將軍差

破當直一十人從之九月十八日吏部狀都省批下昭慶軍承宣使提舉萬壽觀郭城狀准尚書省劄子安穆皇后追冊並依懿節皇后宅推恩今來有依例陳乞內乞差破宣借兵處添破口食以致郡計闕多為害甚大故有是命十二月二十日詔閤門舍人顧募添作八人二十四日提領權貨務都茶場所狀勘會提領務場所幹辦公事即無合破人數今欲破顧募六人從之九年二月二十一日臣僚上言太尉威武軍節度使提舉江州太平興國宮李顯忠奏乞帶宣借人并馬軍司使臣軍兵等共一百五十人隨行奉旨依臣取到步軍司專條節度使在京合破宣借七十人依建炎三年二月

內減三分之一旨揮只合破四十六人若在外則只許帶隨行一十二人顯忠係是在外宮觀陛下降旨特與五十人可謂異恩今乃乞一百五十人是三倍其數欲望聖慈止與破五十人從之 結熙元年正月二十七日詔吳挺已除授太尉所有人從依楊存中楊政除授太尉已得指揮體例施行 淳熙二年四月二十二日嗣濮王士輅言濮王近屬不悞等已比換南班見行朝叅乞特破雇五人從之 三年十二月七日詔每遇朝會合赴立班官將帶人從宰執使相兩府合破引接直省官抱笏人外大程官五名侍從兩省臺諫正任知閤管軍從人四名御帶環衛卿監郎官三名其餘百官二

名先是監察御史齊慶胄言比來官員朝謁及赴德壽
宮起居百司人從擁遏道路乞令閤門御史臺皇城司
條約至是條具來上故有是詔十四年三月二十四
日步軍司勘會正任節度使裁減外破宣借兵士四十
六人具節度使致仕未有承降指揮詔令步軍司差破
二十三人以隨龍崇信軍節度使致仕張世興陳乞差
破至有是請 淳熙十六年三月二十四日詔士峴已
除少保人從依士畝除少保前後已得指揮

全唐文

宋會要

得替官還還人

太祖乾德二年三月詔訪聞使臣因遣及請假出入或知州軍監押巡檢替回多有借本處兵士防送或津致行李物色自今非准宣旨不得差借 太宗至道二年三月詔聞峽得替臣僚或勾當公事使臣回日多於本處抽帶兵士公人隨行至京並令自備盤纏或即受其傭直便即放回多致人戶破賣田產自今一切禁止如違京朝官諸司使副內殿崇班幕職州縣官並除名使臣決配仍委轉運使覺舉 三年詔外任得替文武官各差公人送還丞郎給諫轉運使副使大卿監祭酒

詹事庶子大將軍防團刺史十五人諸司使帶遙郡及諸行郎中少卿監少詹事司業諭德太子三寺令僕將軍十人不帶遙郡諸司使副使至殿直及京朝官率府率副率七人內品官奉職以下使臣幕職州縣官五人移任丁憂亦準此若守仕在合般家地分亦許依上項數抽差般家其水路管船綱者各減元數三人內品以下減二人所差公文並本官給在路日食真宗咸平三年七月詔川峽得替文武官差防送公人丞郎給諫卿監祭酒詹事庶子大將軍防禦團練使刺史轉運使副使十人領郡諸司使諸行郎中少卿監司業少詹事諭德太子三寺令僕將軍七人不領郡諸司使以下至

殿直京朝官率四人內品以下至幕職州縣官三人仍
並至鳳州界止 景德二年七月殿中丞趙植言得替
文武官給公人送還具載編敕而州郡本置散從官丞
符以備驅使郡官罷任常率數人由此甚有占役其江
淮兩浙荆湖福建廣南路並押水運請減送還公人之
半詔元定十五人者減其五人七人者減其三五人者
減其二 大中祥符三年九月詔諸路提點刑獄官得
替並依轉運使副使例差公人送還 十一月詔得替
官或至中路不用公人伴送者明具公文送本屬州縣
收管時殿中丞譚巽言多於中路受所送公人錢物入
已衷私放還請條約故也 天禧元年八月一日詔自

今諸路得替官送還公人除轉運使副使提點刑獄及
正郎以上知州依元制外餘官舊十五人減其九人十
人減其三七人五人減其二水路押綱運者十人又減
其三七人五人減其二三人減其一縣尉給手力外餘
官悉以本處雜色公人充 五年八月詔諸州官送還
公人準元年詔減省者並仍舊時有州縣任西蜀還路
乏騶從經涉艱苦題詩驛舍者真宗聞之故有是命
仁宗天聖七年十月詔外任得替官各差公人送還依
元敕定差人並令本官在路給食或不願公人送還即
牒送本處不得取受顧直入已如公人願自顧替名即
聽或舊例更量差人送至近處或赴任時差人遠接並

依例差應赴任罷任及家屬經過道途嶮阻去處令差防送者亦令量差人除弓手不得差出外並各於本轄處抽差如無人即並差本城軍士其見任官不得專差人出本界三百里外勾當私事其駐泊都副總管以下抽替或就移送還遠接並差軍人津置行李駐泊都總管禁軍四十人本城六十人駐泊副都總管本城禁軍各四十人駐泊總管副總管並差禁軍二十人本城四十人駐泊鈐轄知州軍監城管勾本處駐泊軍馬公事者本城禁軍各二十人駐泊都監及河北河東緣邊安撫使副使管勾沿邊安撫司安撫都監軍十人本城二十人乘船者不得更帶本城軍隨行仍不得更差送還

公人川廣福建路轉運知州軍同判都監監押巡檢監
當使臣得替並依元定人數差本城軍士送還瓊管諸
州得替並差本城軍士送至桂州或虔洪州逐州別差
本城軍士交替送至京其替下兵士却歸本處不得別
有住滯若至水路州軍因便管押綱運前來者送還軍
人更不得占留畫時發遣却歸逐處 十一月詔應差
充外任文武臣僚等自今除依條差定人數送還遠接
外更不得陳乞管押因便兵士 八年二月詔今後所
差接送臣僚禁軍本城軍士並依王正平所奏選差十
將節給部轄數內禁軍送還到京者殿前侍衛馬步軍
司與限五日歇泊訖遣還其廂軍本城兵士步軍司依

此日限發遣 至和元年十一月詔諸路官代還者其
護公人如聞已顧人為代而官司復令執役民甚苦之
自今須計程滿日方得追呼 嘉祐三年四月詔臣僚
赴任益梓利夔其遠接人陸路止於京師水路止於荆
南若路不由京師即計其地里無得過六十驛若舊制
不及者止於舊例初三司使張方平言西川迎送之役
有經涉水路往復萬里之遠至有饑乏病死者不可勝
數故著此條 四年五月十三日監察御史裏行沈起
言三路安撫總管等才方授命逐處差遠近接兵士少
不下千人緣條貫送還各有定數乞檢會天下遠近接
送體例酌中限定逐官人數及地里遠近著為甲令免

致勞擾煩費詔檢用舊制先是皇祐四年條貫定遠近
接送還人數至是樞密院勘會行之英宗治平二年

正月二十四日詔命官尋醫待養許送還公人如例

國朝會要神宗熙寧七年正月一日詔定知判州府使相五

百五十人曾任二府并宣徽節度四百五十人待制觀

察使已上二百五十人帶都總管者別差三百人帶安

撫鈐轄者別差百人都轉運發運使待制已上如知州

府例餘官二百人通引司吏共九人一路副都總管三

百人總管二百人州總管路鈐轄沿邊安撫使副正任

以上充都巡檢使一百五十人發運副使轉運副使知

大藩同州總管通引等共六人提刑并知節鎮州一百

二十人發運使轉運判官知州百人通引等共五人安撫路分都監州鈐轄公邊都巡檢使百人提舉常平倉知軍監八十人通引等共五人通判五十人客司書表司共二人都監都巡檢使承受管勾檢法官三十人監押巡檢寨主二十人簽判知縣十五人縣令十人監當及幕職州縣官七人六月四日詔應轉運使副判官提刑提舉同提舉常平倉官詣轄下諸州巡歷每員許帶人吏二人公事繁多亦許隨遣當直人不得過十五人將不盡當直人聽內轉運使副判官提刑逐州差送迎人留在家驅使通計隨行當直人不得過合破人數如本處無廂軍即官吏結罪保明許差近下禁軍陸路別差擔擎兵士一

十五人節級一人水路乘船不得過赴任隻數仍破十分人牽駕並逐州交割 八年七月十九日詔官員合破諸軍迎接者計合到任日除往還驛程前一月發遣送還者除程占滯毋得過一月 元豐五年十一月十八日詔州縣官得替計程支顧錢而中道物故丁憂者程雖未滿其錢勿追 哲宗元祐元年閏二月二十八日詔八路知州通判簽判監司屬官承務郎以上知縣大小使臣員闕並歸吏部差注內接送人合支顧錢者並只差兵士內有專條并奏差及一時指揮及其餘闕并水土惡弱及自来差攝官處並依舊 八年十月一日尚書兵部奏請諸接官官員軍人公人當職官不得

使令隨從人寄附物色如違并所隨從人並以私役兵防論從之 紹聖元年七月三日戶部看詳役法所言幕職監當官按送舊差全請顧錢公人今來合支顧人錢並依元豐令定人數支破其元祐敕所添人數並差廂軍詔減罷元祐敕添人數餘從之 徽宗建中靖國元年二月二十六日資政殿學士正議大夫提舉中太一宮兼集禧觀公事黃履狀今准朝旨給假暫歸邵武軍展省卹壠至秋還闕所是乘船路往來合要防護兵級欲乞所經州郡量差五十名逐郡替換仍於往來出陸州郡即乞添一百名亦每郡替換從之 政和六年十二月十五日詔川陝多闕正官事因廢弛小臣遠官

艱於般挈理須措置政和令內諸自川陝之官罷任於

接送人外緣路差遞鋪兵該載未盡可令兵部看詳立

法限三日取旨頒降兵部今擬修下條諸川陝路之官

罷任分司致仕尋鑒時養丁憂身亡同因犯事賊於接而替罷若川陝路之官罷任不出本路者非

送人外及服闋赴闕者緣路差遞鋪兵由江陵府及別

州路官不般家者減半別條已差鋪兵者從一多負擔者每人不得

過九十斤逐鋪交替不限官序止以到鋪先後為次如

或不足於所在州依數差廂軍不得過至京程數續以上

要高宗建炎二年二月四日詔許支係省錢顧人代

接送兵士旨揮勿行先是儒林郎馮迪德言昨降旨揮

應合差破接送兵士內廂軍闕許支係省錢顧人今州

郡更不差破兵士一縣以和顧為名並支係省錢暗損財計欲望改正故有是詔 九月七日知揚州黃願言在京官員赴任顧人錢依條係諸路起發上京於戶部椿管今聖駕駐蹕揚州日有注受差遣赴任之人除勘請合得本官料錢外別無寬剩役錢應副勘請在任顧人錢乞令新任勘支從之 紹興元年十月二十五日詔應諸州幕職官諸縣令承簿尉合破接送并在任般家顧人錢並權罷以臣僚言所在妄指川廣遠處多計地里為錢不貲乞行裁省故也 七年九月十七日張浚言臣荷陛下知遇出入總兵幾及十年其所施為不無仇怨今奉親偕行還家萬里汎然舟寄未有定居除

依例合破使臣外乞許臣於都督府借差使臣四員存
留親兵五十人以備緩急從之 二十五年十一月十
九日南郊赦諸路官員任滿合差廂軍送還到住程處
依條限半月發遣從來多有妄作緣故占留既不依時
到營致本處便作逃亡事故開落名糧因而老幼失所
如有似此之人許經所在州軍自陳給據發遣歸元來
去處依舊收管 二十八年九月十九日詔應官員除
依條差破迎送人外不得違法支顧脚顧船錢十一月
二十三日南郊赦勘會累降旨揮約束州縣差顧人夫
應副過往人訪聞州縣奉行滅裂循習舊弊甚者抑令
出顧錢仰監司常切覺察按劾以聞當重寘典憲

以興中

會孝宗隆興元年八月十七日殿中侍御史周操言臣契勘監司郡守所破接送人載在令甲各有定數使相知州五百人前宰執知州四百人大藩知州二百三十人節鎮知州一百二十人餘州一百人轉運使副一百三十人提刑一百二十人轉運判官一百人此其格也比緣監司郡守數多接送頻繁所破借請或至半年或四五月近者不下三月所費不知其幾加之公用什物率皆創置故一經接送州縣倉庫為之枵然臣愚欲望今後監司郡守接送人除使相宰執知州人數太多合行減三分之一外其他並不得過數添差仍戒諭監司郡守每事簡省不得侈靡並從御史覺察若現接本任

就移他處不候待闕之人止得於舊任破送還人親任
更不得別發接人如在五百里外者其送還人就五百
里止却令新任接人於所止處交替庶幾免致重疊費
耗少寬州郡之力乞附條令永為定制從之

以上乾
道會要

全唐文

宋會要

接送

淳熙元年五月二十九日詔諸路監司憲司州縣巡厯
只許帶本司公吏一名掌管按牘及使令三二名隨行
不得與外人交通餘人並於所到州縣借差如敢違戾
令御臺覺察以違制論其他監司出巡及通判季點之
類並皆准此四年九月二日詔自今監司郡守闕到赴
行在奏事未得取索遠方人從候闕近方許計程發遣
五年十二月二十三日臣僚言應荒歛州縣當專以救
荒為務所有迎新送舊兵卒公吏借請及供張從物之
屬所廢不貲自合裁減乞令早傷州郡守倅而下迎送

並依近日楊布錢家祖已得指揮吏卒供張從物之屬
並從減省從之九年正月十三日上謂輔臣曰監司帥
守接送人借請等費用太多宰臣王淮等奏條格具存
往往巧作名色全在監司議覺察上曰只為監司自犯法
可令侍從等集議於是集議來上曰一監司守倖已依格
差接送人從外又有將帶公使錢作隨行支用係是重
疊破費合行禁止一人從借請不多合依格外書表司
等人近來多是妄作名色增添借請及格外差都吏手
分等每名借請犒設至多合行禁止一供堂供張什物
陳設等多是增添過多以致科擾行鋪侵耗公庫一任
之間有置兩三次者自今不得再有添置候得替日依

數逐一牒公庫交納不得將帶前去及作名色銷破一
迎接轎乘多是監司郡分下所屬科率一接送如願乘
船者只合差破官船如無官船許和顧乘使不得折支
顧錢一合破接官從物旗幟棍劔及人從頭帽衣衫之
類只許就界首等候不許將帶出境迎接一諸公人違
法借兌并白狀批請已有見行條法及紹興二十六年
指揮合行申嚴行下今措置公人遇節并經由州縣借
請及非時妄作名色犒設之類亦合禁止詔依集議到
事理施行是歲六月初八日詔合破接官人從頭帽衣
衫之類許依舊例十四年八月八日令應巡檢下土兵
並不許差充接送從廣東提刑管鑑請也

以上恭奉熙宗會要

可

十六年七月十二日臣僚言伏見諸路監司帥守接送
人數自有定法今則不然迎送之際動以數百輩如二
廣福建湖南江西尤為煩費乞自今諸路監司帥守接
送人不得過數借請不得過多一行從物不令出境如
或過數差人逗留不即赴上者仰御史臺體訪覺察重
作施行從之宗以會要慶元元年六月十九日監登聞檢
院張叔振言方今之患莫大於州郡之不富實州郡之
不富實其弊莫大於將迎之虛費今州郡將迎大者千
計少者不下數百人高牙鉞戟之外不急之物無一不
備一兵而受一人之券固所當得也至其差出則有借
給焉遠者幾歲近者數月以千百人計之為數不見乞

申嚴法制行之諸道凡將迎之費一遵令甲供張之具
務從簡省愛民體國無以華侈相尚則郡國其有瘳矣
從之嘉泰四年六月十九日成都府路提點刑獄公事
傅伯成言蜀之州郡迎新送故地有遠近奎有川陸乘
舟則省吏卒遵陸則捨舟船皆適於用而已非可私其
費也臣訪聞州郡將迎之際費既不貲及其去也未嘗
赴中都而破吏卒浙西之借請未嘗下荆江而破舟艦
浙西之顧錢乞特降指揮除在任被召合破送還人船
至臨安外餘止許計其所居之程差顧人船亦各隨其
水陸之便其虛作遠地名色多破官帑歸於私家者令
監司按劾併與當職官坐之從之開禧元年正月二十

一日中書門下省言監司守倅到罷迎送合破吏卒從物各有條例日來所在州軍例外遇有差置吏卒借請殊無限制理合禁約詔令諸路帥司四川制置司二廣經略司自今降指揮到日日下取會所部州軍見今所破從物吏卒并借請實數攢類成冊保明申尚書省六月十一日詔諸路監司并本司屬官凡是迎送從物各從逐司支公使庫錢應辦不得行下州縣諸州知州通判幕職等官迎送從物並從本州支公使庫錢置造縣令簿尉從物令本縣支係省錢製造知縣不得過一百貫佐官以下不得過五十貫並不科之鄉司更敢妄作名色科擾百姓許民戶越訴

福建提刑朱思遠便民五事內言知縣迎接科率鄉

書
史
貼
故
有
是
詔
以
上
寧
宗
會
要

宋會要儀制

太祖乾德二年九月十二日詔曰國家職例位肇分執儀有序冀等威之斯辨在品式之惟明矧著位之庶官及內司之諸使以至軒輦引籍州縣命官凡進見於宰司或參候於長吏既為總攝合異禮容稽於舊儀且無定法或傳亢揖之制或有沒階之趨既位貌之相殊復典章之舛異若以內司諸使承前規例則朝官拜揖之制不同若以儀制令遵守而行則古今沿革之制不等晉天福周顯德中宋庭臣內職賓從將校比其品數著為綱條載於刑統末為志宜令尚書省集臺省官翰林學士秘書監國子司業太常博士等詳定內外群官諸

瑀清揭宋史
禮志賓神三
改補

司使副供奉官殿直及州縣官等見宰相樞密使及所
總攝正一品二品官東宮三師三少內外所屬長官及
品位相隔者以前後編敎故事參定儀制以聞翰林學
士承旨刑部尚書陶穀等共奏議自今兩省官除授假
使出入並參宰相起居郎以下參司舍五品以下官遇
於塗歛馬側立須其過常侍以下過三公師尚書令引
避值僕射引馬側立御史大夫中丞皆分路行起居郎
以下避僕射遇大夫引馬側立丞中分路尚書丞郎郎中
員外並參三師三公令僕郎中員外郎兼參左右丞本
行尚書侍郎及本轄左右司郎中員外御史大夫以下
參三師三公尚書令僕中丞兼參大夫知雜事參中丞

三院御史兼參知雜及本院之長大夫避尚書令以上
遇僕射分路中丞引馬側立而避大夫中丞遇尚書丞
郎兩省官諸司三品以上金吾大將軍統軍上將軍皆
分路餘官悉引避知雜兼避中丞遇左右丞引馬側立
餘皆分路郎中及少卿監大將軍以下皆避之三院同
行如知雜之例少卿監並參本司長官丞參少卿監諸
司三品遇僕射於塗皆引避諸衛大將軍參本衛上將
軍東宮官參隔九品參者若過於塗皆避公參之禮列
拜於堂上位高受參者答馬四赤令初見尹趨庭受拜
後升廳如客禮上將軍在中書侍郎之下大將軍在卿
監之下將軍在少監之下太子諸衛率府率在東宮五

品官之下內客省使視七寺卿客省使視三監引進使
視左右庶子判四方館事視少卿閤門使視少監諸司
視郎中客省閤門引進副使視負外郎諸司副使視太
常博士供奉官視諸衛率殿直視副率樞密承旨視諸
司四品常參官副承旨視六品丞諸房副承旨視南省
七品都事凡視朝官者序於本品之下視京官者在上
內客省使謁宰相樞密使以客禮閤門使以上列拜皆
答客省副使至通事舍人諸司使樞密承旨不答焉自
樞密副使宣徽使皆差降其禮供奉官殿直教坊使詞
令官伎術官並趨庭倨受諸司副使參大使通事舍人
參閤門使防團刺史謁本道節帥即度防團副使謁本使

並具軍容趨庭延以客禮少尹幕府於本使長官悉拜
防團判官謁本道節帥並趨度天長雄武等軍使謁軍
相樞密使上佐州縣官見樞宰及本屬長官並拜於庭
參本府賓幕官及曹祿縣令簿尉參本府錄事簿尉參
令皆答拜王府見親王如賓職見長府縣官兼三館職
者見大尹同四赤令六品以上未嘗參官見樞宰及本
司長官并拜階上流外見流內品官並趨庭諸司非相
統攝者皆移牒分路者不得籠街及占中道依秩序以
分左右胥過於驛舍非相統攝及名位相隔先至者居
之臺省官當道官呵止者如舊式文武官不得偕假呼
稱以紊朝制當避路者若被宣召及有所捕逐者許徑

度馬詔從之

四月二十四日詔諸司副使通事舍人

見宰相樞密使升階連姓通職展拜不答拜其見參知政事樞密副使宣徽使以客禮展拜他如舊儀 太宗

太平興國八年正月十五日詔曰浩穰之地民庶實繁

宜申明

勅

舊章用激清於薄俗儀制令云賤避貴少避

長輕避衆

宜令開封府及諸州府各村要害處設木牌

刻其字違者論如法從大理正孔承恭之請也

六月

十三日詔自今京朝官知錄事參軍及知縣事者見本

州長吏用賓主之禮宴集班位其升朝官在判官之上

京官在推官之上違者在所以聞當行責罰 淳化元

年四月二日國子祭酒孔維言竊觀中外文武官稱呼

之間多或假借殿直承旨差出者須邀司徒之稱京朝
官等不分品秩高下一例遮呼郎中伏乞今後負外郎
以下只可正呼五轉至將作監丞得假負外之稱助教
以上只令正呼本官毋致僭越班制瀆亂典常詔翰林
學士宋白等詳議白等奏曰按官品今及內外職官名
目如並令只呼正官又緣官品之內甚有難為稱呼者
遽今改易皆從正名亦慮有所未便今欲且約孔維所
奏於過呼尤甚者重行條禁所貴庶官易為遵守文班
臺省官及御監郎中負外並只得呼本官升朝官自太
常博士以下并京官至大理_評事並不得呼郎中諸司使
諸衛將軍不帶遙郡者并諸司副使並不得呼太保三

班自供奉官以下並不得呼司徒京官自校書郎以下並不得呼負外待詔醫官等並不得呼奉御府司錄參軍縣令等並不得呼負外京府司錄不在此限判司簿尉等不得呼侍御文武職事州縣等如有檢校兼試同正官者伏請並德呼之詔依詳定施行降敕牒示諭 二年六月五日侍御史知雜事張郁言文武官常參內殿起居露立廊廡望自今前一日預設幕次於閤門外尚書省舊儀郎中負外郎見本曹尚書侍郎及丞郎尚書見僕射皆有公禮及迴避之文邇來遂成寢廢望舉行之違者加以責罰舊制御史大臺及出使並重戴近年廡領他職及出使者輒廢其儀望自今違者罰一月俸料

並從之。四年六月十二日有司言文武常參官在京
監管庶務並免常參外其內殿起居橫行參假入闕門
非時慶弔侍宴冬官御殿御樓朝賀壽寧節國忌行香
都省朝堂議事城外立班並赴違者以聞請行朝典從
之。五年十一月二十四日詔三司判官主判推官者
等見本使並如郎中貲外見丞郎尚書之儀。至道二
年閏七月三日詔今後中書門下只令宰臣押班知印
其參知政事遇正衙橫行參假重行異位非議軍國政
事即不得升堂都祠祭行香押教並以開寶六年六月
庚戌詔書從事。先是呂端入相因上言臣兄餘慶任
參知政事日班制悉與宰相同願舉行之時從其請至

是參知政事寇準坐除馮拯彭惟節官不平罷免因令
閤門檢會參知政事見宰臣休例閤門言開寶六年六
月內敕中書門下押班知印及祠祭行香今後宜令宰
臣趙普與參知政事薛居正呂餘慶等輪知繫書列銜
參知政事即低次雍熙四年九月內御史臺言文德殿
前未有參知政事埽位欲乞依位排砌依奏至道元年
四月內敕參知政事宜令與宰臣輪日知印正衙押班
其埽位與中書門下一班宰臣使相上事并應有公事
並升都堂及下是詔 真宗咸平三年八月九日御史
知雜范正亂辭言內外官稱多過資品望行條制以肅
紀綱詔兩制集官詳定翰林學士承旨宋白等言今請

尚書省門下中書省御史臺九寺三監東宮常參官京
官武班諸衛各呼本官除臺省外自有檢校兼官者從
高稱呼兩京五府少尹並以本官稱呼兩京留守判官
通判諸路侍運使副四赤令諸州知州通判監臨官並
是京朝官充職並以本官稱呼其兩京留守判官諸道
行軍副使各有檢校官者以檢校官稱呼節度觀察使
兩使兵馬留後官未至檢校太傅者許通呼太傅檢校
高者從高稱內容有使客省引進四方館昭宣東西上
閤門使遙郡內諸司使官未至檢校太保者許通呼太
保客省引進東西上閤門副使未至遙郡內諸司使副
並許通呼司徒內殿崇班供奉官侍禁殿直奉職借職

並只呼本職其殿頭高品高班黃門并內品並以本職稱呼若銜命出外即通呼天使翰林待詔醫官並通呼待詔奉御如有同正檢校兼官者各呼本官諸道幕職錄事參軍縣令有檢校試御者呼本官錄事參軍仍呼都曹縣令呼長官簿尉許呼評事仍望下御史臺宣徽院閣門諸路轉運使覺察聞奏請科違制之罪從之

九月十三日詔應帶職不帶職京官及中書堂後官帶京朝官者樞密院主事帶諸衛將軍同正者並許於皇城司內下馬 五年五月二十八日詔開封府左右軍巡使京官知司錄及諸曹參軍知畿縣見知府並趨庭設拜 六月十七日御史中丞溫仲舒言兩省幕次不

合在朝堂乞依舊例移歸中書從之 大中祥符元年
二月二十九日詔自今文武群臣內庭出入道路相逢
據品秩迴避側立一依儀制命婦車檐與文武官相遇
亦須迴避不得交雜導從仍令所由司咨示違者具名
以聞當寘其罪

時供奉官閣門祇候劉文贊趨東華門衝宰相馬至崇
政殿門宰相與親王對揖文贊又橫絕而過為閣門所
舉詔宣徽院劾之與遠小監當仍令御史臺遣吏監出
故有是詔

八月十二日殿中侍御史趙湘言竊見含芳園迎天書
日街中布土馳道闌以橫木止人踐履而群臣前驅者

徹木行馬馳道上又每逢輅馬不止傳呵分路而過皆
非人臣之禮今如依古制不絕馳道則恐京師浩穰阻
滯車馬欲請每遇大禮布土馳道群臣非導駕不得於
其上行馬及逢閱習輅馬不得衝過許令兩面行馬違
者御史糾舉從之二年五月十七日皇城司言皇親
車馬入內多與臣僚行李相犯今請分定門戶出入詔
自今如朝班未退並令由玄武門候班退即聽從便
親王諸宮使李神福又言東宮諸院出入未有定制欲
望自今朝班未退並令於東華門裏夾道內過入軍器
庫東橫門崇政殿東橫門赴內東門如假日及朝班退
後依舊於左承天祥符門出入亦從之

六月二十一日詔文武官非公事不得入京百司諸公
廨如監臨官挈家居止者即許親故來無得妨其公事
九月三日詔宗室供奉官承慶以下假日朝參許入

玄武門

時管勾官宅事趙湘言承慶等兩處朝參不及請行按
問承慶白言諸叔將軍等假日許由玄武門入唯承慶
輩須合入東華門仍俟諸叔上馬始由東華門而入以
故多就班後時故有是詔

五年七月十九日詔尚書承郎兩省給諫知州府而本
部郎中員外及兩省六品以下官充本路轉運使副者
承前例須申報自今知制誥觀察使以上並止書案檢

今通判以下繫銜供申如轉運使官秩在上者不在此限九月十二日翰林學士李宗諤龍圖閣直學士陳彭年言准詔以群官導從不合品式與禮官詳定儀制以聞今除中書樞密宣徽御史中丞知雜御史左右金吾并攝事清道如舊制呵導外僕射以上不得過四節尚書以上文明殿學士資政殿大學士不過三節翰林學士樞密龍圖閣直學士尚書丞郎以上不過兩節給諫舍人知制誥卿監待制不過一節三司使權知開封府不過四節三司副使不過兩節應提印執挺者不在其數小兩省御史尚書郎中員外諸司四品見任三司開封府推判官許馬前一對踏引不過五步應出節者止

約衝突不得呵止衆官同行止從上一員出節有踰式者委御史臺左右街司彈糾先准敕合於開封府金吾抽借從人者內金吾從人悉還本司止於諸軍剽員開封府從人中抽差其別局主判司分已有公人當直者不得重疊又文武百官遇宰相樞密叅知政事並避兩省官侍郎常侍以下遇三師三公尚書令則避過僕射則給舍以上斂馬側立起居郎以下則避給舍以上遇御史大夫中丞分路而行起居郎以下遇大夫給舍以上斂馬遇中丞分路而行御史大夫遇三師三公尚書令則避過僕射東宮三師尚書丞郎兩省侍郎分路而行中丞遇大夫避過僕射斂馬尚書丞郎常侍以下至

正言東宮三師三少太常卿金吾上將軍並分路而行
知雜御史遇中丞則避過左右丞敘馬遇尚書侍郎諸
司三品金吾大將軍統軍諸衛上將軍分路而行尚書
省五品諸司四品以下諸衛大將軍皆避之三院同行
如知雜例不同行遇左右丞避尚書丞郎郎中員外過
三師三公尚書令則避郎中員外遇丞郎則避太常博
士以下朝官遇本司長官三師三公僕射尚書丞郎大
夫中丞知雜御史並避權知判官不避遇兩省給舍以
上敘馬京官遇丞郎給舍大卿監祭酒以上本寺少卿
監司業並避諸位大將軍以下過上將軍統軍亦避詹
事遇上臺官如卿監之例庶子少詹事至太子僕遇太

子三師三少並避遇上臺官如少卿監例中允以下遇
太子三師三少並避遇賓客詹事斂馬遇上臺官如太
常博士例應合避尚書者並避三司使權知開封府者
如本官品避其臺省官雖不合避而職分見在三司京
府統臨者避中書門下樞密院常朝有衝突者巡檢人
員具名送開封府京朝官謄報御史臺彈奏內諸司使
以下報宣徽院施行不即申舉者委御史臺左右街司
察訪以聞入皇城司及殿門外當避而不避者委親事
官報皇城司捕送開封府職官具名以諸色人當避臺
省官及斂馬側立而有違者街坊巡檢親事官止約固
違不伏者移牒官司及申奏如上制即不得凌辱命官

武班內職並依此品施行從之 六年三月十七日詔
應官民得試銜官者不得與本州縣官使臣接見如曾
應無及衣冠之族不在此限 八月六日樞密直學士
禮部尚書知昇州張詠言當州每有祠部司事並申公
狀臣官添六曹祠部即本行司局例申公狀似未合宜
欲望自今尚書丞郎知州除申都省外其本行官局並
止發檢從之 七年七月二十日詔在京勾當官差出
外住程勾當不得帶在京名目出外稱呼 九月一日
詔自今制置發運使轉運使副更不以官品位次並在
提點刑獄官之上先是諸路提點刑獄朝臣與轉運使
副正以官序為高下至是始定條約 八年閏六月五

日詔京官充刑部大理寺三司法官御史臺主簿不得
便服於市肆下馬委御史臺糾察 天禧二年十二月
二十六日詔文武官曾使契丹及接伴者自今戎使到
闕除兩省舍人外並令於左掖門出入 四年九月十
七日詔諸州縣尉見巡檢使臣供奉官以上並升階公
叅答拜如上佐州縣官見幕職之儀侍禁以下用客禮
時知利州閣門祇候張利用言縣尉與巡檢皆捕賊官
有公叅客禮相見者請班定制故有是命 五年六月
五日詔自今諸州監當朝官殿直以上在通判都監之
下判官之上其通判與都監並依官次京官奉職借職
監當者即依知令錄列在判官之下

先是知荆南府李諮言京朝官使臣監當場務與本州
通判位次未著定式故令禮官詳定下詔

乾興元年六月七日時仁宗即位後詔曰國家並建庶

官分領衆職當勵能勤之節且遵靡盬之規如聞因念
風興幾將曠闕爰頒戒告用儆因循宜勉罄於恪恭勿
自罹於悔咎咨爾有位體朕意焉宜令閣門御史臺遍
行告示應在京諸司勾當京朝官使臣及內有免常朝
者自今後並令早赴本司仍令宣徽院御史臺入內內
侍省常切覺察聞奏

時中書門下上言先准詔自三月十五日後每日百官
並赴常朝其內外諸司並合早入邇來多日晏方入本

司請行條約故有是詔

仁宗天聖四年十月二十一日上封者言諸州有三班
差使殿侍及殿中外殿直指使者每與命官共事望頒
定制詔法寺詳議法寺言殿侍令式元無品秩外殿直
本係單班望自今並在命官之下攝長馬之上如充權
管指揮自依元敕從之 五年三月二日皇城司言將
來崇政殿放牒據在內巡檢指揮使狀自來狀元承例
於軍器庫前東華門外上馬即無條貫其餘舉人並於
東華門上馬詔依舊例 六年十二月十四日詔應臣
僚聽下公人及本家親隨僮僕等出為班行者諸處相
遇並須迴避不得接坐如或同州郡勾當者閣門祇候

內殿崇班已上并三班使臣充監押巡檢許令申奏於
隣近州對換其三班使臣以下監當物務並令公叅而
退更不接座 七年二月十六日詔中書樞密院自今
午後五刻出審官三班院流內銓並須早入其出在中
書樞密院之後 八年十二月八日中書門下言文武
臣僚加恩敕告檢會五年南郊例尚書敕史以上如有
骨肉願齋去許令乘遞馬往今欲依列從之 明道二
年十月四日詔自今節度使知州軍兼總管者即官借
人 骨鏹各五對 景祐元年六月九日中書門下言
應文武臣僚並京朝官使臣今後失儀依條責罰後欲
更不理為過犯從之 寶元二年閏十二月九日閤門

寶元僅年
此惡誤

言請自今皇帝御宣德門宰臣親王樞密使使相各許帶從者三人叅知政事樞密副使知院同知院簽書院事宣徽使各帶二人並至第三重門止餘皆不許詔可先是帝每御樓左右近臣各挾所親上門闕無定限時將及孟春觀燈之會知開封府鄭戡上言天子所在當嚴其制及是乃施行之

四年九月十一日詳定閣門儀制所言紫宸垂拱殿起居臣僚石位上欲鐫字記驗并立班圖欲用絹別寫四本一本進內二本付閣門收掌從之慶厯三年六月十一日翰林學士承旨丁度等言比奉詔詳定帥臣見所部儀制請自今閣門祇候及路分都監以上見四路招

計使廳上公叅供奉官以下並庭叅其走馬承受及非
統轄者勿拘此制從之 五年六月二十八日詔彰信
軍節度兼侍中李用和出入許張傘擊杖子及上下馬
如二府儀餘無得援例

其後左僕射觀文殿大學士判都省賈昌朝鎮安軍節
度使同中書門下平章事程琳太子太保致仕龐籍司
空致仕宋庠皆用此例

七年正月十八日侍御史知雜事李東之言自來侍從
官自起居郎至正言小兩省官并臺官南省正郎出入
重戴執絲鞭其給舍丞郎侍制以上并三司副使更不
重戴出入內庭臺省並執絲鞭近歲除中書樞密院依

舊出入執絲鞭其餘每日早辰只自漏舍畧執絲鞭入
內欲乞下御史臺其大兩有待制以上并三司副使知
雜出入並依舊例執絲鞭如遇陰晦風雨方許執小鞭
出入中門仍令臺司彈奏違犯從之 皇祐四年十二
月二十二日詔今後常參官故作懈怠及行立失序不
得作常時失儀施行仰具聞奏降敕斷遣 五年六月
一日御史臺審刑院大理寺言乞自今趨朝臣僚入皇
城門並依次序行馬違者減律條朝會應集告而不至
罪一等仍理為過犯從之

初御史臺奏近日百司官入朝多不依次序或於兩府
臣僚中門行馬法寺止坐失儀之罪為輕尋令參詳而

降是詔

嘉祐三年十二月十五日翰林學士韓絳言中書門下宰相所職而以他官判省名不相稱請更定其制又曰百司常務多關二府請詳其輕重移付于下使大臣不為細故撓慮得以專講政事又服章所以別尊卑今走吏與公卿不殊請依唐制各以品數為等級其赦恩年考及階品合服之人須未嘗犯徒流罪者乃聽又臺閣省寺典章所由出也今獨存勅條文案而已本朝故事名臣遺範無所傳錄請依周禮唐六典著為一書詔翰林學士胡宿知制誥劉敞詳定以聞而宿等以為不足行尋罷之五年六月二十六日開門編纂條例所言

伏見臣僚以疾乞免大起居舞蹈之類竊以臣下見君當極恭肅一有不至罪罰及之以疾自言乞損拜伏人取其便非所以致恭肅尊朝廷也且有疾與告著令所容殺禮見君古訓無有自今敢干請者乞令閣門彈奏重致其罰惟勲德大臣朝廷特禮必藉任使自從特旨作崇政殿進呈大樂依觀雙竹例宣群牧判官檢會儀制游宴宣召之人皆著定式而群牧判官不與焉蓋當時有司之失遂開此例欲乞今從非次游宴觀看不復更召其帶館職充者自從館閣官例都知押班如趨班不上令別作一班起居臣等以為朝廷之儀皆有著定苟不及禮謂之不恭不恭有罰未聞預設別班以待不

及禮者伏請蠲去三人內及第正權三司判官者並賜
緋臣等以為古制有其官者服其服未聞一官之中更
以入仕之階為之輕重恐非聖朝平均獎勸之道伏請
蠲去大朝會綴中書門下班座机子戴凉傘中書樞密
院下馬處下馬之類皆是特恩異禮近歲大臣例多得
之看詳前件禮數皆朝廷所以尊異執政大臣也非其
人無其位者不當有也若人人得之則車服輕而不尊
車服輕而不尊則賢者怠而不肖者有慢上之心矣其
漸不可不慎也以別具編錄非以為例也蓋備天子發
非常之詔加禮於老成勲德之臣訪故事於有司則以
對也仍乞令閤門今後非詔者詢問不得輒自申舉並

從之 六年正月十一日權御史中丞王疇言比歲兩
制臣僚不得與執政之臣相見及臺諫官往還議出一
時初無典故當時論者即以為非今執政與諫官已絕
其禁而臺官尚設科防臣愚以謂臺官主於議論以補
天子之聞見豈一二人能周知天下事乎兩制侍從之
臣皆國之選命偶或相見交自為疑其非所以示朝廷
之大體也請自今兩制亦許與臺官相見從之 治平
四年六月二十四日神宗即位未改元 御史臺言檢會
慶歷二年權御史中丞賈昌朝奏臣僚出節呵引已有
條制右職臣僚舊無制度尋詔兩制同詳定以聞既而
上言節度使在尚書下三節節度觀察留後在諸行侍

郎下兩節觀察使在中書舍人下諸衛大將軍防禦團練使在大卿監下內客省使比諸司大卿景福殿使客省使比將作監引進使比庶子在防禦使上已上各一節諸州刺史諸衛將軍在少卿監下宣慶四方館使比少卿宣政昭宣閣門使比司天少監諸衛將軍上皇城以下諸司使比郎中客省引進閣門副使比員外郎樞密都承旨司天少監下閣門使上副都承旨閣門使下樞密院副承旨諸房副承旨諸司使下已上並兩人可引如違令御史臺左右街司糾察以聞尋詔施行而皇祐二年編一司敕刪去此條請復申明舉行從之神宗熙寧二年二月八日刑部官御街上只言許

近上臣僚行馬即不指定品位職名竊慮更有品位稍
高有犯此者省司臨時無由定奪欲乞朝廷特降指揮
指定品位職名得於御路行馬以憑遵守詔御史臺太
常禮院同共詳定以聞既而上言勘會自來近上臣僚
及北朝人使并三節人到闕並於御路上行馬難以改
更檢會令文臣寮道從呵止除中書樞密院執政官宣
徽院御史中丞知雜御史左右金吾攝事官清道者依
舊式外三司副使已上亦許出節欲自宣德門前至天
漢橋北御路上今後只許應合出節臣僚及正觀察使
已上行馬如從駕出入并宗室內廷諸宮院車騎並不
在此限從之

三年九月二十三日詔樞密都承旨見

樞密使副並如閤門使禮

時閤門使李評為承旨用士人而議與使副接見之
禮手詔令編修院檢討故事本院言止載班著職事即
不見接遇儀範乃下是詔

十一月三日御史臺言臺叅辭謝臣僚自來於朝堂先
赴三院御史幕次又赴中丞幕次得以體接老疾之人
今若只於御史廳一員對拜不惟有失舊儀無恐不能
公共參驗乞依舊制朝堂拜揖如遇放常朝即於御史
臺從之 四年七月二十一日詔罷供奉官至殿直日
赴垂拱殿起居惟朔望并人使見辭綴班于紫宸殿
五年七月二十四日閤門言龍神衛四廂都指揮使昭

州防禦使張玉涇原路駐泊兵馬步軍副都總管暫赴
闕奏事檢會儀制應外任客省使至閤門祇候入內內
侍都知押班并帶御器械赴闕奏事起居訖即退更不
供職詔王赴起居不供職今依准例 六年八月二十
七日詔宰臣親王使相兩府宣徽使遇入樞密院門許
至從南第二重門外上下馬
先是宣徽使以上凡出入皇城門上下馬處與三班使
臣無以異至是正之

八年三月詔今後每遇視朝起居失儀坐公罪杖八十
元豐二年二月十八日詔成都府鈐轄寄任頗重與
他路不同其知府處置鈐轄司職事自今並須叅議於

擬侍儀範並依蔡延慶未到任以前條例毋輒裁損
先詔坐次與本路通判敘官其罷之初趙杲馮京以前
執政為安撫使故見鈴轄儀稍殺故也

五年四月二十二日詔百官見執政三省給事中中書
舍人侍郎以上省寺監長官及待制橫行以上詣廳餘
官並詣三省樞密院聚廳處即有所請召并屬官及親
戚不以服紀不用此法 五月一日詔自今宰臣上馬
樞密院次之諸司又次之左右丞上下馬處並同兩省
侍郎 十四日御史臺言尚書左丞蒲宗孟右丞王安
禮賀僕射上尚書省於都堂下馬檢會三省執政官上
下馬儀範尚書左右僕射許至都堂左右丞於本廳今

官府雖寓居緣各有擬定廳事按宗孟安禮身為執政
當朝廷董正名分之初宜身先百執遵行憲度乃率先
違法犯分群工庶尹何以觀仰請付有司推科安禮爭
論上前以為今日置左右丞為執政官不應有厚薄左
右丞於都堂上下馬自此始 十五日詔樞密院自合
應入進文字自來用押字者並依三省例書臣名 十
九日詔翰林學士兩省官見執政官議事並繫鞵六曹
尚書以下並鞵笏 二十三日應六曹寺監長二以下
如有公事已見不同許獨至執政聚廳處具事狀申議
六月十九日詔尚書侍郎奏事郎中員外番次隨上
殿不得獨留身侍郎以下仍不得獨乞上殿其左右選

奏事非尚書通領者聽侍郎以下郎官自隨秘書殿中
省諸寺監長官視尚書二丞以下視侍郎六曹於都省
稟事亦准此侍郎以下仍日過尚書廳議事 八月六
詔執政官退朝上馬宰臣於樞密院隔門內知樞密院
以下於隔門外都堂聚議退左丞於門下侍郎廳右丞
於中書侍郎廳 六年七月十四日詔陝西河東經畧
司聞諸路蕃官雖轉大使臣並在漢官小使臣之下朝
廷賞功轉資以為繳勸如此卑抑則孰知遷官之榮可
定漢蕃官序位以聞後河南東經畧司言蕃官部堡塞
兵出戰常以漢官驅策恐難與漢官位尚書兵部言乞
應漢蕃官非統轄者並序官從之 九月十一日詔品

官詣尚書省并六曹上下馬依雜壓詣尚書省太中大
夫以上就第一貯廊監察御史以上就過道門詔六曹
尚書侍郎即太中大夫以上就本廳監察御史以上就
客位餘並過門外 七年八月十五日詔開三省樞密
院出常早妨六曹諸司結絕日務自今冬夏並以未初
為限著于令 哲宗元祐五年八月十八日閣門言景
德祥符寶元熙寧中朝廷委近臣梁顥李諤陳彭年張
知白李淑宋敏求同閣門官修定儀制行之已久頗為
詳備至元豐四年諸司敕令式所釐為儀式令敕比之
舊儀殊甚闊畧請委官與閣門官以舊儀制圖策并見
行儀式令敕同看詳修定不分儀式令敕仍舊為閣門

儀制詔樞密都承旨王巖叟秘書少監王欽以同閣門
官修定 紹聖二年十二月十日詔諸官司出入局不
以時委統轄次第覺察舉劾 元符元年十月二十九
日御史臺言按元豐法諸赴朝宴慶賀宣制拜表奉慰
行香集議若臨時有急速公事或上殿守門趨赴不及
并本處有條免赴者並報御史臺元祐法應免者不報
乞依元豐法從之 徽宗建中靖國元年正月十八日
刑部狀永興軍路安撫都總管司奏逐司契勘久來行
遣文字除不係統攝及轄下州軍去處並行公牒外有
管下縣鎮將領訓練官司之類並同劄子行下近覩文
書令內無劄子式本部尋批送大理寺叅詳經畧安撫

或都總管鈐轄等司事体稍重於管下縣鎮將分訓練之類官司雖別無許用劄子條式其逐司自來舊例用劄子去處欲依舊施行從之 崇寧二年十二月十四日尚書右司員外郎充講議司叅詳官林摠奏檢會元符令諸命官不得容人過稱官名有兼官若檢校官者聽從高稱其或有郡王稱大王正任稱太尉少卿稱判寺郎中員外郎稱省判之類如此呵引既非檢校之官即是過稱官名自合科罪再詳大王之稱止謂如親王大尉即須節度使或係檢校官者郎中員外郎合以本曹或本司之名少卿止合以本職稱呼欲乞申明行下從之 政和三年八月十五日中書省言新提舉淮東

路常平應安道奏臣伏覩儀制令內有州縣官叅知州
贊姓名致恭見通判階上受拜以至一簿尉叅縣令亦
曰受拜此於臣下實為僭越竊以昔日諸州長官禮上
申陳論及官屬舉書案奉筆墨之類陛下悉皆禁之今
今獨贊姓名致恭受拜之令未聞講究非人情所協伏
望將州縣官贊姓名致恭受拜全文重行詳定從之
十二月十一日詔曰君視臣如手足則臣視君如腹心
君臣相與休戚一體則上下親而政治舉屬者時雪荐
降路滑馬蹶臣僚造請或至墜傷朕甚憫焉可特許暫
乘車轎惟不得入官門候路通依常例 六年九月十
日刑部奏大理寺修立到諸命官應赴尚書省陳乞或

訴事而曾仕郡守監司及職事官郎官以上或見任五品
以上官者並免親詣聽遣人齎狀從之 七年二月二
十一日尚書省言修立到諸朝參臣僚行馬次序俟皇
城門開樞密入次三省執政官次一品二品文臣六曹
侍郎殿中監開封尹大司成侍從官兩省次百官御史
臺編攔依次入從之 八年四月十六日臣僚言朝覲
之儀不可不嚴今殿陛之下刻所止名位如侍從員數
至少至庶官序位不過數處而班列之員數百所以群
聚無辨錯立不整乞稽臺省寺監酌寄祿官中數各布
次序以肅朝儀從之 閏九月十一日臣僚言拜爵公
朝謝恩私門非人臣之節也而此來士夫有私第干謁

不憚寒暑既得之後獲舉者必謝受謝者不辭乞立法
禁止以破明附詔省臺寺監官以公事見宰執者詣都
堂替赴叅辭亦如之 宣和二年十一月十五日尚書
省言余深除鎮西軍節度使依前少傅知福州緣本官
係少傅於未朝辭以前合趁起居所有張蓋鳴杖子并
上下馬等事即未敢從宰臣體例詔特依宰臣例 六
年五月十一日臣僚上言伏覩內之省臺寺監外之監
司群縣文移往來皆有定體自下而上則用狀自上而
下則用帖非相統屬則用牒狀則書名牒則押字所以
正尊卑明分守各有所當也迺者官司不切遵奉忌公
家之體式任私意之重輕應用狀而移牒者有之應用

牒而書名者有之更相規倣習以為常恐非所以尊朝廷正名分之意伏望在京委御史臺在外委監司常切覺察敢或侵紊者彈劾以聞詔出榜朝堂仍令吏部遍牒行下如違以違制論 高宗建炎元年七月十六日詔御營使司屬官在外序官依寺監丞例 十一月一日詔揚州道路磚滑自來不行車馬今來駐蹕雖合依京城條例慮臣僚乘騎或致踈虞可特許乘暖轎唯不許入皇城

先是宰相進呈上宣諭曰君臣一體所當深念不忍使群臣奔走危地故降是詔

三年十二月九日兩浙提舉市舶司言切見隆祐太后

前來杭州自來州僚出入並乘轎張蓋若不少為裁抑
則於禮有所未安詔不許乘涼轎三年閏八月二十二
日詔御營使司若勾差人馬即合用劄付逐處州縣如
遇與監司行移只用文牒往還

初劉光世為御營副使每事涉監司輒行劄付時臣僚
言不當用劄故降是詔

四年七月八日詔非見任宰執到都堂除正一品序坐
外並在見任宰執之下餘依自來條例 八月一日臣
僚言劉光世以公事移牒六曹承平之時雖宗室戚里
之為使相者莫敢用牒藩方大臣所宜尊獎王室若帶
儀同三司可牒六曹則亦可闕三省樞密院矣光世不

知事體望申戒遵守法制從之 紹興二年閏四月二日詔諸處分遣在州軍守戍兵官并餘統兵官等元係朝廷遣使即依將副序位若止軍中或帥司一面差委即與州都監序位其餘使臣與當部隊將序位以軍興守戍將官與州縣官無序位統攝多在州縣欺凌官屬從樞密院之請故降是詔

七月二日福建兩浙淮東沿海制置使仇愈言已得旨敘位依發運使例所有本司屬官亦乞依發運司屬官條例施行從之 九月十五日詔方今尚武之時訪聞方面常日視事武臣一例庭趨文臣一例循廊甚失武臣之心今後諸州武臣非緣教閱軍陣出師討賊若常

日見長吏職任與文臣等者並依文臣其不應趨庭者勿趨著為令 三年二月二十九日三省樞密院言御史臺榜示行宮南門令百官朝謁入出檢准政和四年七月十九日指揮今後皇城門開先樞密院次三省執政官次侍從官一品二品文官次百官次御史臺官次侍御史次御史中丞次大夫上馬行馬失次序之官徒二年控馬人杖一百緣舊制三省樞密院各班奏事各廳治事今宰相兼知樞密院係同班奏事同堂治事兼舊來過前殿即樞密先上馬入右掖門於隔門外下馬於密院過道門俟三省官同入過後殿即同三省官上馬入東華門係分兩門入出今止係行宮南門一門

入出雖遇六參等止是後殿儀制班次並與舊例不同
詔三省樞密院官赴朝且依見行儀制回鑾日依舊
七年三月十一日詔監察御史以上出入並騎馬遇陰
雨滑即聽乘輦仍自十五日為始 九年四月六日詔
六部長貳今後朝退許出行宮北門 其後又詔兩後
省官如上儀 五月二十四日詔赴朝官於北門裏廊
上待班 十二年三月二日御史臺閣門言晉安郡王
出外第合趁赴朝參及非次慶賀拜表等待漏合於皇
城門外待班合於殿門外並在宗室正任幕次其忌辰
行香合於百官之前先入從之 十三年二月三日詔
三公三少親王使相趁赴常朝許帶直省官二人入殿

門至幕次止 先是太傅韓世忠張俊少保楊存忠開
府儀同三司潘正

夫言乞將帶直省官散祇候各二人入殿趨赴朝參故
有是命

四月十二日詔今後赴朝臣僚及朝退出南皇城門於
百步外方許呵喝仍令御史臺閣門曉諭 三十日閣
門言今來垂拱殿內已安砌石位其字與石色一同百
官難以辨認乞行下有司將四參石位裝字以黃蠟日
叅石位以紅蠟從之 同日閣門言在京自垂拱殿門
裏天井中有隔門如值兩開隔門臣僚起居今月二十
九日文武百僚赴垂拱殿習看石位切見今來垂拱殿

門作宮門其隔門却作殿門百官下從人皆帶入出宮
門欲依在京日作殿門從之 十月一日詔今後臣僚
未至合下馬處自宮門裏不得披涼衫出 十四年十
一月三日詔文武百僚詣景靈宮諸殿行香如值雨或
地濕潤分東西廊上立班宰執並就東廊立班僧道並
於東廊授香 十七年十二月二十日吏部言紹興令
雜壓從一高同者異姓為後次以貼職服色資序至改
官先後同方以出身切緣修上件令文之時文臣未分
左右今來有出身人帶左字無出身人帶右字即合官
同者先以左右為序帶左字人仍以及第出身同出身
為序從之 十八年三月二十六日詔御試舉人并武

舉人及唱名日並不鳴鞭 閏八月十五日詔今後任副總管若非正刺史以上並合與轉運副使及轉運判官依雜壓序官

先是鎮南軍言本路轉運判官曹戩見任右中大夫副總管翟襄係武功大夫忠州團練使每遇朝拜行香立班序位未有著令明文遂有是命

二十二年五月十七日詔今後筵宴贊唱殿後帝器械班直喝謝茶酒舍人入出門戶依帶器械班直 五月十七日詔今後人使見辭并燕所有權赴後幄起居班及奏事及上殿班令入出射殿後門經中東壁便門入出赴後殿起居 二十六年二月九日臣僚言先王患

賤之凌貴而下之僭上也故爵列稱謂皆有次序朝廷
法令亦曲為之防無不備具切見邇來士大夫習尚澆
薄爭為夸誕擬人不於其倫稱謂不以其實州縣之官
不以高卑出言即白台盲士大夫公然為之恬不知愧
恥自一命以上文臣即學士自居武臣亦以團練自處
至有不曾任京局者必欲強名寺監丞郎中省幹之類
以避本稱此皆名浮於實也安可不嚴其禁詔令刑部
行下禁止 三十年三月四日閤門言奉詔皇子已除
開府儀同三司進封建王其人從待班幕次令有司條
具今討論親王赳赳起居其麗正和寧門外待漏閣子
合在西廊與宰職閣子相對在見今使相之上如遇拜

表慶賀等垂拱殿門外侍班幕次合在宰執之次垂拱
殿門內侍班閣子合在西廊與宰職閣子相對緣殿門
外東西廊別無設置去處乞將見今南廊上宰執閣子
之西空閑閣子充若朝獻景靈宮并巳辰行香殿門外
侍班閣子合在西壁與宰執閣子相對並從之續又
詔建王赴朝參依宰臣上下馬十月二日詔文武臣
合班處遇親王使相立西班今樞密院官權綴東班如
遇親王使相請假之類樞密院依舊立西班紹興三
十二年六月十四日孝宗即位未改元詔御史臺閣門
每月宰臣率文武百僚於初二日十六日詣德壽宮緣
內外窄隘或值雨霑濕百官別無立班去處今後遇立

班日本臺用文臣監察御史已上閣門用武臣橫行御
帶已上趁赴起居如儀 二十四日詔軍器所添置提
點官一員敘位在提轄幹辦官之上於入內都知押班
內差 十一月二十五日詔開府儀同三司居廣遇趁
赴朝參許令入出和寧門北宮門 隆興元年四月七
日詔太傅寧遠軍節度使充醴泉觀使和義郡王楊存
中應上下馬處令依宰臣親王 十月六日詔宰執以
下退朝八局並乘馬遇陰雨許乘輜方今月武之際應
內外兵官并沿邊臣僚內地巡尉並令乘馬 乾道元
年十二月十五日詔樞密使汪澈立班恩數並依宰臣
遇立班處在右僕射之次其從駕行馬次序令依見行

雜壓條令在親王之次

以激奏准指揮立班恩數並依宰臣繼扈從車駕詣德壽宮其所定行馬以臣在親王之前一時猝然從其次序臣退而思之戰恐無限尋再三詢問閤門及御史臺雖據所引雜壓樞密使在親王之前臣遂檢照印本職令雜壓尚書右僕射下便有王字即無該載樞密使明文狀念臣寒微踈遠仰叨宸眷今此異除不獲辭避大友崇貴豈容越序而先之實所不遑故有是命

二年九月十二日詔今後三省樞密院遇赴常朝等畢許出南北門 十月十日詔今後修注官遇常朝等當赴侍立許入出皇城南北門 十二月十八日詔臣僚

辭免並令遵依舊制如過制及不合申陳者有司不得
收接施行 四年正月二十一日詔今後景靈宮行禮
宰執親王使相下人從行禮前不得入行禮殿門外閣
子候行禮畢方得放入 六年正月三十日詔臣僚導
從至太廟景靈宮牆並禁喝止張蓋非薦獻行事不得
由櫺星門

太常少卿林栗劄子竊見自來車駕經由太廟前有司
預節音樂止警蹕稍近則却繳扇至尊撫式輦士趨進
以為常制誠得古禮式趨宗廟之儀而臣下經由呵導
張蓋未有條約竊聞在京日太廟不臨通衢竊慮自有
專法今來太常寺省記條內即無該載欲望朝廷明降

指揮約束庶幾官吏軍民經由太廟前知所嚴敬仰副
聖明奉先祇肅之意得旨令本部條具申尚書省本部
檢准紹興重修在京通用儀制令節文諸臣僚導從至
景靈宮牆禁呵止緣儀制令內即無太廟二字今欲乞
朝廷劄下敕令所日下看詳於景靈宮字上添入太廟
二字候敕令所報到本部以憑申請本所今看詳在法
臣僚出節喝引各有定式至景靈宮牆皆禁呵止今准
太常少卿林栗陳請臣下經由太廟呵導張蓋即未有
條約照得張蓋一節已降指揮令禮部條具外所是乞
禁呵正本所伏覩景靈宮太廟皆係崇奉祖宗去處理
當一體嚴敬止緣未有法禁是致經由呵導今來合於

在京法內臣僚導從至景靈宮墻呵止條內添入太廟
二字及墻字下添八並字庶得補圓法意又禁止張蓋
一節本寺今指定合修入條令於禁呵止字下添入張
蓋二字故有是命

七年四月二十九日詔皇太子領臨安府尹禮上日除
東宮講讀官以上自有立定儀制外其餘臨安府官廷
叅仍拜冬年節乃到罷等准此少尹係太中大夫以上
依唐事例 五月九日詔朕惟禮容進止君子所宜留
心邇來中外之臣以趨進拜舞視為末節恬不加意非
所以示朝廷之敬也宜儆戒有位自今罔或惰愉慳素
常儀當寘于罰 十二日詔皇太子領臨安府少尹已

差侍從官所有判官序位依兩省官奉便法推官序位
在諸州之上任滿日仍理為知州一任 十七日詔皇
太子領臨安府尹已擇日開府其浙西諸司見赴天
申節上壽令候開府日就臨安府庭賀 七月十六日
詔今後除授職事官並令不候授告先次供職 十一
月二十九日詔應百司有兼職官先赴本職治事畢次
詣廉職若本職簡少兼職繁劇即先赴兼職仍並依時
入出 十二月六日詔右選八品官若遇公參並不許
贊拜 八年八月一日詔今後不合辭免官有司不許
受接大字如有違令御史臺覺察聞奏
中書門下有奏檢會紹興元年十一月二日敕勘會臣

條辭免恩命名有定制紹興五年六月三日已降指揮
遵依舊制比來不合辭免官亦具申陳委是妨廢職事
理合申嚴有旨並令遵依舊制如過制及不合申陳者
有司不得收接施行乾道二年十二月十八日再降旨
揮令吏部申嚴行下近來各務虛文多不遵依故有是
命

十二月八日詔今後有宰臣到闕如遇赴宴賜茶其合
用坐整禮舊有旨並依官品及今後遇筵宴等行門禁
衛諸色祇應人與依紹興二十八年以前例並賜絹衫
九年正月二十五日詔令閣門自今後每遇駕出御
後殿坐宰執百官并儀衛等並赴後殿起居候登輦出

後殿門駕迴入祥曦殿門 閏正月二日詔太中大夫
觀察使以上許辭免外餘依乾道八年八月一日指揮

續宋會要

淳熙三年十一月二十七日詔自今管軍御帶環衛官
并皇城司官如服窄衣束帶並令著黑靴 二十八日
詔禁衛所將來太乙宮對御本宮便門作行宮殿門依
垂拱殿門法六年十月三日詔對御賜酒合服錦襖子
臣僚更令服著一日 十二月七日監察御史齊慶曾
言此來朝謁百司人從擁遏官員輿馬並驅又每赴德
壽宮起居宮門之外街道狹隘百執奔趨於車馬之間
乞令閣門御史臺與皇城司措置嚴行條約從之

既而四年二月二十五日閣門御史臺措置條具到事
件一每遇朝會合赴立班官將帶人從宰執使相兩府
合破引接直省官抱笏人外大程官五名侍從兩省臺
諫正任知閣管軍從人四名御帶環衛官卿監郎官三
名其餘百官二名俟皇城門開百官八排立行門班直
等於應奉官後入不係入殿祇應人並控馬人及內宿
諸色等人候朝官并祇應人入絕方許放行及擎生物
人須管隨本官入一每遇車駕詣德壽宮並如朝會名
數仍許乘馬至合下馬處一每遇忌辰行香除宰執使
相兩府於合下馬處侍從兩省臺諫正任知閣管軍御
帶環衛官卿監郎官其餘百官至景靈宮樞星門外上

下馬人從止許在思成門內外不許入過道門又皇城司條具到一每遇朝謁并赴德壽宮起居本司添差親從守把約攔如有爭先擁遏喧鬧之人許即收領從本司斷遣施行一每遇常朝後殿并拜表之類從人並不得上殿門及於殿廊上立如有事先擁遏之人許收領赴閣門御史臺送所屬斷罪一每遇車駕詣德壽宮起門至望僊橋下不許安頓轎馬

九年八月七日詔明堂大禮自宿殿日宰執使相郡王并前兩府於皇城南北門裏幕帳門外下馬文臣待制武臣觀察使以上於皇城南北門為官門外下馬行事陪祠執事官并觀察使以下於皇城南北門外綽楔門

為皇城門外下馬 十月七日詔自今人使到闕伴射
官自人使朝見前十日令權綴馬步軍班起居侍立
十年正月十一日詔自今人使到闕見辭宴改垂拱殿
坐合赴後幄起居班次並令入垂拱殿新置便門赴後
幄起居十二年二月二十三日詔武臣知州軍官未墜
帶者可依文臣守倅借服色例許權繫紅鞵角帶候回
日依舊 十三年四月十二日敷文閣待制洪邁言景
靈宮國忌陪位行香及四孟親饗在列之臣除宰執使
相外其百官從人帶入宮門號方得隨入櫺星門乃中
門即退不得踰闕從之 八月六日詔承旨司每遇柏
試兵將官自今可令上廳茶湯下階柏試 十四年五

月一日詔自今過引呈射公事御馬依後殿坐日分令殿門外排立迎駕起居十五年五月十四日權禮部侍郎尤袤等言檢準國朝會要嘉祐八年三月二十九日仁廟之喪英宗七月十三日始御紫宸殿見群臣退御垂拱殿中書樞密以次奏事蓋始御內朝猶未御正衙也今外朝內朝皆入臨御竊詳後殿及延和殿乃祖宗崇政延和之比緣今延和地步窄隘難以排立侍從史官管軍衛帶環列禁衛等今參酌欲乞皇帝於後殿視事所有儀制乞下閣門禁衛所條具申尚書省閣門奏奉旨後殿坐起居班次並如假日儀遇西參日權令侍從官趁起居其御後殿日分令太史局選日主管

禁衛所照得日常後殿窠差班直親從共三百人排立
祇應詔裁減一百五十人餘依 以上孝宗朝 淳熙
十六年二月六日詔今後車駕詣重華宮除經過官司
起居外餘並免 十三日閤門言恭承至尊壽皇聖帝
聖旨今後車駕詣重華宮起居如遇忌辰并忌前一日
並免到宮并宰執以下合赴宮起居日分如遇忌辰亦
免今後準此 同日閤門言今月十七日宰執以下赴
重華宮起居乞依例不視事如前一日恭奉壽皇聖帝
聖旨免到宮赴起居乞作後殿坐如值夜雨及五日得
旨免赴起居竊慮集朝殿官起居不及是日亦乞依例
不視事一日從之 閏五月九日詔太尉保大軍節度

使提舉萬壽觀郭師禹依吳孟例賜花羅公服許令服著趁赴朝參等 十一月十七日御史臺禮部太常寺言將來迎奉高宗聖神武文憲孝皇帝憲節皇后神御赴景靈宮奉安合用百官陪位乞從御史臺閣門申請施行文臣集應釐務通直郎以上及行在見任寺監主簿承務郎以上職事官趁赴奉迎及陪位立班從之十二月三日詔嘉王出外第日令南班宗室自府門送至第仍就賜御筵入內內侍省差內臣二員管幹 九日御史臺閣門言已降指揮用正月一日恭上壽聖皇太后至尊壽皇聖帝壽成皇后尊號參照禮例將來大慶殿發冊寶及赴重華宮奉上尊號冊寶行禮用通直

郎以上及行在見任寺監主簿承務郎以上職事官并
武臣修武郎以上并三衛員僚以上赶赴逐處陪緣重
華宮殿內地步窄隘乞宰執侍從兩省臺諫橫行以上
并應奉官於殿下立班餘官於殿門外隨地之宜備那
立班從之 同日閣門言十四日迎奉高宗皇帝憲節
皇后神御詣景靈宮奉安令正任觀察使以上并管軍
赶赴陪位騎導從之 十日御史臺言迎奉高宗聖神
武文憲孝皇帝憲節皇后神御赴景靈宮萬壽奉安依
禮例宰執親王使相侍從臺諫兩省官禮官閣門官南
班宗室騎導合用儀衛儀仗鼓吹僧道等導引務要整
肅乞令所屬預行告報鈴束各依次序行列如有違犯

之人從本臺送所屬重作施行乞下皇城司差撥親從
官三十人沿路隨行約攔從之 紹熙元年十月十四
日三省檢會在京通用今諸駙馬都尉宗室南班官戚
里之家並不許出謁及接見賓客詔禮部申嚴行下常
切遵守 二年四月十九日刑部言大理寺丞陳榛申
奉旨兼勅令局刪修官伏覩淳熙十六年十月五日指
揮大理寺官許休日出謁竊緣榛前件兼職有無相妨
詔遇有商議職事許令出入 十月十七日監察御史
何異言伏覩淳熙十六年三月四日御筆廷尉天下之
平日來官更出入無時賓客日有請屬漏泄之弊無以
隔絕日後不得接見賓客雖假日亦不得出謁此令一

出棘寺官吏知所警畏不敢踰禁至十月五日有旨大理寺官許休日出謁又有以仰見聖度涵容終不以法禁而廢人情夫既許以休日出則一月之內三日周施於人事恩亦優矣而後進晚至不識事體或遇假日往往並緣出謁甚至如七夕重九之類間有以節假為名搆具出城馳逐遊賞似若初無職守者又縱容畫工遊謁之士攘袂出入門禁不敢誰何殊失天獄嚴重之意詔大理寺長貳遵依前項已降指揮中嚴禁止官屬非旬休日不得出謁其外人無故輒入依法施行委御史臺常切覺察四年三月二十三日右丞相葛鄰言伏見昨來周必大留正任右丞相日序位行馬乞在親王

之下今來臣蒙恩除右丞相序位行馬亦乞在親王之下庶得少安奉御筆依禮例序位行馬合在親王之上更不必辭免

續宋會要